

Practicista da stuccatura AFP

Practicist da stuccatura AFP

Planung, Hochbau, Tiefbau

Practicistas e practicists da stuccatura preparan il fundament ed isoleschan tal. Ellas ed els maschaidan il gip e stritgan si tal. Cun agid d'utensils tiran ellas ed els guliv il gip ed elimineschan irregularitads.

Incumbensas

Preparar il plazzal

- guardar plans ed observar instrucziuns da capolavureras
- mesirar la surfatscha da lavur e determinar il material necessari
- laschar transportar materials e guaffens sin il plazzal e deponer quels là
- controllar il stadi da las paraids e dals palantschieus e sche necessari far emprimas lavurs preparatoricas, p.ex. isolar paraids
- cuvrir elements, p.ex. bishens u conducts, e cuvrir il fundament, p.ex. cun ina folia u cun crep da pictur

Far lavurs

- far lavurs da liadira vi da paraids internas e palantschieus sura, a maun u cun utensils e cun maschinas pitschnas
- installar paraids construidas a sitg ord plattas da gip u auters materials
- montar roms da metal vi da palantschieus sura e struvegiar plattas da gip prefabritgadas vi da tals
- montar mantelladas da fatschadas vi da paraids exteriuras
- isolar paraids e palantschieus sura e proteger talas da fieu e d'umiditad
- decorar las surfatschas cun stuccaturas (ornaments)
- en cas da lavurs da renovaziun: demontar stresas da liadira u paraids da separaziun e reparar surfatschas donnegiadas e stuccaturas

Terminar las lavurs

- metter en urden la piazza da lavur
- nettegiar e tegnair en urden ils guaffens
- dismetter en moda ecologica materials e ruments

Ambient da lavur

Practicistas e practicists da stuccatura lavuran da tutt'aura sin plazzals, e quai tant dadensvart sco ora en il liber. Ellas ed els collavuran cun altra glieud da professiun da la bransch da construcziun. Durant lur lavur portan ellas ed els in equipament da protecziun, sco chapellinas e chalzers cun chapitsch d'atschal. Lur temps da lavur èn regulars.

Practicistas e practicists da stuccatura lavuran en manaschis da stuccatura. Il martgà da lavur è bun.

Pretensiuns e interess

Pretensiuns

- Inschign manual

- Imaginaziun tridimensiunala
- Prontezza d'esser savens sin viadi
- Resistenza corporala
- Dun per cifras
- Nagins disturbis da vesair colurs
- Senn per igiena e per nettezza

Interess

- Lavurar cun ils mauns
- Esser corporalmain activ
- Lavurar en il team
- Lavurar cun arschiglia, crap e vaider

Scolaziun

Manaschis

En in manaschi da stuccatura

Scola

10 emnas da bloc per onn:

- Center da furmaziun dal ASIPS / SMGV, Wallisellen (ZH)

Curs odaifer il manaschi

Emprender, approfondar ed exercitar las basas professiunalas, 20 dis durant 2 onns

Durada

2 onns

Cundiziuns d'admissiun

Terminà la scola obligatoria

Titel da finiziun

Practicist / Practicista da stuccatura AFP

Furmaziun cuntinuonta

Curs

Purschidas da scolas spezialisadas e da scolas professiunalas spezialisadas sco er da l'Associaziun svizra dals interprendiders picturs e stuccatur smgv.ch

Stuccatur e construidr / Stuccatura e construidra da materialias sitgas AFQ

Practicists / Practicistas da stuccatura AFP pon far ina furmaziun professiunala da basa scursanida sco Stuccatur e construidr / Stuccatura e construidra da materialias sitgas AFQ. Suentar pon vegnir absolvidas las medemas furmaziuns supplementaras sco per Stuccatur e construidr / Stuccatura e construidra da materialias sitgas AFQ.

Professiuns sumegliantas

Professiun

Practicist / Practicista da tschentar plattas AFP

<https://www.berufsberatung.ch/de/rm/professiun/practicist-practicista-da-tschentar-plattas-afp>

Professiun

Miradur / Miradura AFP

<https://www.berufsberatung.ch/de/rm/professiun/miradur-miradura-afp>

Professiun

Practicist / Practicista da pictura AFP

<https://www.berufsberatung.ch/de/rm/professiun/practicist-practicista-da-pictura-afp>

Professiun

Practicist / Practicista cuvratetgs AFP

<https://www.berufsberatung.ch/de/rm/professiun/practicist-practicista-cuvratetgs-afp>

Professiun

Practicist / Practicista da construcziun da fatschadas AFP

<https://www.berufsberatung.ch/de/rm/professiun/practicist-practicista-da-construcziun-da-fatschadas-afp>

Ulteriuras infurmaziuns

Swissdoc Nummer

0.450.76.0

TODO

Associaziun svizra dals interprendiders picturs e stuccatur ASIPS / SMGV

<https://www.gipsen-werden.ch>

TODO

<https://www.becc.admin.ch/becc/public/bvz/beruf/show/52003>